

عیسیٰ مسیح صعود بہ آسمان

۱ ای تئوفیلوس، من می کتابِ اوّل میان* بینیویشتم دربارہی
ہمہی کارانی کی عیسای مسیح شروع بہ انجام و تعلیم
بوکودہبو^۲ تا او روزی کی اون جہ ہدایت روح القدس، خو رسولانی
کی انتخاب بوکودہبو، دستوراتی فدہ و بزین اون بہ آسمان جور،
برده بوبوستہ۔^۳ اون بعد رنج کشن، خو مرگ مرہ، خودش زندہ بہ
خو رسولان آشکار کودہ و دلایل فراوانی امرأ ثابت بوکودہ کی زندہ
بوبوستہ۔ چہل روز بہ اوشان آشکار بوستی و خودا پادشاهی جا
گب زہیی۔^۴ ایبار کی خو رسولان امرأ غذا خوردن دوبو، بفرمأستہ:
«اورشلیم ترک نوکونید، وستی روح القدس رافا بیسید کی می پئروعدہ
بدہبو و می جا بیشنوستیدی۔^۵ چونکی یحیی، شمرآب امرأ تعمید
دی ولی چند روزی بیشتر نگذرہ کی شومان روح القدس امرأ تعمید
گیریدی.»

* ۱:۱ کی انجیل لوقا نام دآرہ

۶ عیسی شاگردان، وختی کی دوز هم ایسه بید، عیسی جا وورسہ ییدی: «خوداوندا، هہ زمان میان ایسه کی پادشاهی کی امی دشمنان جہ امی دس فیگفتیدی به قوم بنی اسرائیل واگردانی؟»

۷ عیسی جواب بده: «تاریخ و وختانی کی وستی ایتفاق دکفه در اختیار می پئر نهہ و لازم نی یہ شومان بدانید. ۸ ولی او چیزی کی وستی بدانید هن ایسه کی وختی روح القدس بر شومان بایه، قوت گیریدی کی اورشلیم و تومامی یی یهودیه و سامره استانان میان، تا دورترین نقطه یی دنیا، می شاهدان بیدی.»

۹ عیسی بعد گفتن ا حرفان، هوطو کی اوشان فندرستید، همه تان چومان جلو ابر میان به آسمان جور ببرده بوبوسته. ۱۰ هو وخت کی شوئون دوبو و شاگردانم رو به آسمان چوم بودوخته بید، ناخبر دینیدی کی دوتا مرد سیفید لباس دوکوده اوشان ورجه بپا ایسه ییدی.

۱۱ اوشان، رسولان بوگفتیدی: «ای جلیل مرداگان، چره سر به آسمان بودوختیدی و آیه به پا ایسه ییدی؟ هہ عیسی کی جہ شیمی میان به آسمان ببرده بوبوسته، هطویی دوواره، واگرده.»